

新刊國朝二百家名賢文粹

新刊國朝二百家名賢文粹卷第一百六十九

序

送別序六

送吳子正序

龜山先生

六經先聖所以明天道正人倫致治之成法也其文自堯舜歷夏商周之季興衰治亂成敗之跡揅敘通變因時損益之理皆煥然可考網羅天地之大文理象器幽明之故死生終始之變莫不詳諭曲譬較然如數一二耳乎後世高明超卓之士一撫卷而盡得之也予竊惟唐虞之世六籍未具士於斯時非有誦詠操筆綴文然後為亨也而其蘊道懷德優入聖賢之域者何多耶其達而位乎上則昌言嘉謨足以亮天工而成大業雖困窮在下而潛德隱行猶足以經世勵俗其芳猷美績又何其阜章也自秦焚詩書坑術士六藝殘缺漢儒收拾補綴至建元元狩之間文辭繁如也若賈誼董仲舒司馬遷相如楊雄之徒繼

武而出雄文大筆馳騁古今沛然如決江漢浩無涯涯後雖有
作者未有能涉其波流也然賈誼明申韓仲舒陳少箕馬遷之
多愛相如之浮侈皆未足與議惟楊雄爲庶幾於道然尚恨其
有未及者積至于唐文籍之備蓋千百前古元和之間韓柳輩
出咸以古文名天下然其論著不詭於聖人蓋寡矣自漢訖唐
千餘歲而士之名能文者無過是數人及考其所至卒未有能
唱明道多窺聖人闢奧如古人者然則古之時六籍未具不害
其書學後世文籍雖多五益於得也孔子曰子非多學而識之
予一以貫之豈不信矣哉武陽吳子正余之畏友也博聞彊識
於諸子百氏之書無所不究循是而進益求古人所謂簡約者
而守之庶乎其至矣區區如漢唐之士以多文自富務爲辭章
以譎眩末俗非善學也夫贈言爲別以相規切蓋古朋友之義
也故於子正之行輒書以爲贈

嘗聞永嘉僧澤仁者善畫松非為有生之材神與之妙直能識
衆畫之所工而兼之耳曰某工為幹曰某工為枝曰某工為葉
曰某工為皮纒根節各師其所工而無遺焉故能名聞一時為
衆士長士之於學其有異於澤仁之畫松者乎善在師長師其
師長善在朋友師其朋友善在匹夫賤隸曰某工於彼曰某工
於此各遺其所拙而師其所工此古之君子所以道德無疵而
功名日新過絕天下遠甚惟陋者氣足以相高辯足以相詆而
智不足以相師故其道卒卒不足以相賢而紛紛庸人以死也
友人鄒至完修繫其志行記覽該總援筆數千言立就斯可畏
者然自視如未足士有一善無貴賤必與之交无遠邇必欲收
而取之儒者之澤仁欽元祐七年春僕卧病三封至完自穎昌
不遠百里貽以書曰我數月解官去東南千餘里與子有一日
雅宜有以遺我因以書告曰子聞食蟬之說乎昔蔡謨渡江得
彭蠡魚以為蟬也而食之幾殆至完固儒者之澤仁然一亦有

為善之彭基者其有以辨之

送印守張大夫序

少監張公

蜀居天下西南而中者蜀之西南其境西山之維千數百而東望京洛適四千亦可謂遠矣凡有志於世而不得行者或左出而居之孰無懷國之憂然其山到峽鶴峯其水都通距西北十里而衍寒翠明碧如鏤屏環几席之會登高初遠則東南寬虛蕩然無涯煙雲風霞出没離會如世變之不可窮此真山水外觀之美也偶分十亭古栢修筠截截勁秀披拂鳴鑣如端人節士日語於庭幽果群花榮實以時如百工衆技程其機妙以迎悅世好此其尸牖內觀之美也且君子無所好也不得其志者或寄情於觀遊非累之也適以遣其累尔張公以知輔之才初擬廣使非其志而辭臺臣以其詳在難而衆列之不可諫既直之以義而猶止遠塵山守臨印清議未平公治印二年怡然莫作於下於斯景未嘗一留情蓋無累可遣則雖有景亦無所偶

其所以遣也日以其力敏其政力裕於政唯李焉晝夜之變未嘗或息也評其居處於左右執事則日未嘗即臺榭也北墻之麓有屋焉其廣袤不過方丈其記不能尋貧無居者或陋之而公退食必居以李焉人莫不易之也既而榜之曰延曦閣請其所以名則日人生惟日不再至室則陋矣然林四缺而虛明全池漾然如鑑光之落南窻日賓於東而餞於西朝景暗而光明東夕景往而餘照迴閣之南窻兼致故於一日之內餘景此矢其愛日以爲李也且古有帶經而鋤束薪誦書獄中傳及其好李亦至矣觀髀肉而泣功名向長安而歎宋顏試從事之失時日飛鳥而念人生其愛日亦已至矣然皆忘於功名而後勉其所爲一不得其志未有不顛沛其所李者昔人間楊子以吾友久生將以李楊子曰李則不羨夫生之於人亦大矣而李者亦不羨况一寓景哉夫世之人非特山川亭榭之美功名就而富貴隆世澤厚而子孫光此非世景之麗者乎溺志於此而失其

欲雖有榮觀不能遺其累也視公之卒汲汲未嘗不勉非若役
於利而後為者聽其言則曰官職貴賤非卒者之事也觀其行
則浮沉進退漠然乎其心也推以勵其邦人之子弟也其政神
明所臨有淑問其備幕僚實得而親焉公將歸矣故人朋友爭
求有得於益也嘗告之曰卒之為君子事久矣而夫子以惟顏
得其名雖四科政事文卒莫加焉蓋至於此卒而措之皆末也
公之文卒政事優於天下矣而要其源始於善卒焉夫待君子
而不識其大者非所謂卒也某方於卒故叙其得於公者以送
焉亦以其善告于鄉人朋友也

送錢節序

淮海先生

去年夏余始與錢節遇於京師一見握手相狎侮不顧諱忌如
平生故人余所泊第節數辰輒一來聚語笑終日去或遂與俱
出遨遊飲食而歸或闕然數日不見至數決日莫卜所謂大衢
支徑卒相觀逢輒慢罵索酒不肯已或登樓縱飲在醉各馳

驅驢去亦不相許謝異日復然率以爲常至秋余先浮汴絕淮以歸後踰月而節亦出都矣於是復會於高郵高郵余鄉也而邑令適節之僚聲爲留數日余既以所學舌闊不售于世鄉人多失之耻與余遊而余亦不願見也因閉閤却掃日以文史自娛其不忍遽絕而時過之者惟道人參寥東海徐子惠兄弟數人而已節聞而心慕之數人者來節每偕焉循陔巷其小庠叱奴使通即自褰帶坐南軒下余出見之相與論詩書講字畫茗飲棊奕或至夜艾而絕口未嘗一言及曩時事也於是余始奇節能同余荒張而節亦漫知余非脂韋汨沒之人矣客聞而笑之曰子二人者昔日皓歌劇飲白眼視禮法士一宴費十萬餘錢何難也今者室居而輿出非澹薄之事不洽掩抑若處子又何拘也罔兩問景曰曩子坐今子起曩子行今子止何其無特操歟殆子二人之謂矣余對曰吾二人者信景也宜乎子之問也噲爲若語其凡夫思慮可以求索視聽可以聞見而操履可

以殫及者皆物也歌酒之娛文字之樂等物而已矣顧何足以
殊觀哉漁父有去谿浪之水清兮可以濯我纓滄浪之水濁兮
可以濯我足夫濁清因水而不在物垢穢因時而不在己余病
弗能久矣不意偶以之也而復何苦切切焉隨余而謚之哉客
無以應一日節三我補官喜禾今期至當行矣蓋有詩以爲送
乎余以懷賦詩又重節其意因序遊從本末之迹并以解嘲之
詞贈焉節吳越文穆公之苗裔翰林之孫起居之子也儻儻好
事有父祖風云

送杜然中序

學士劉公偉明

吾友杜然中侍其親以來吾州踣三周星然後歸琅琊而吾
適得第歸京師還其將行也別不足道也顧情義如何尔今
夫閭巷妄愚人之相與別也滿引劇勸款戲感慕相聘賒不
忍上道至皆溢口吐終日爲留連計若將一不可拒之爲者

試問之必曰是嘗聘我以貨者也是嘗感我而不吾辱者
也是嘗居相與徵逐而出相為旁午者也此取道乎能幾
何而旋已弥忘久則漫不省憶矣是何邪分義誠不足較
往者虞部公來臨吾州士無賢不肖靡以一禮富之湛如
清泚之映太虛萬象畢投而瀉影斯在吾於是特首出門
下始與然中遊然中不以勢不均禮不亢而獨以友處我
非徒無廢乎將迎之末為與夫問勞之小謹而至誠篤好
之心每有加焉中間吾嘗顛仆不偶矣仰首斯踞捉足斯
踣聰明耗於日侵之憂慮而興趣橫出更重後雖其平
日之所有彫鏤殆甚而虞部公時出緒教以誘以掖以至今
日之成就蓋然中預有力焉其分義孰有易此者今君方
將指歸期於數千里之琅琊而吾雖留此上以處寧尚忍為
閭巷妾愚人戚戚不得已之態也邪固將以其歸預為琅琊
慶也且琅琊從古以來號善地背東海薄青徐南連淮陽北

控瀟川高密邑屋相望僅數千家牟臺環其西叢社臨其東其山川之勝則有浮來棘津魯侯之龜蒙作顛之所山其故家遺俗則國於鄆城於向桓公南至之穆陵管仲脫囚之堂阜與夫蘭陵子游荀卿之所從事下至叢薄榛莽神林鬼墟則丘明子野二疎王肅魯公之丘墓在焉魚鹽商販之所出入故其地阜繁去聖之居甚近故其俗禮義我君於是行也順流千里之灘瀨車輶而下輕帆駛楫若飛鳥度去而堂有榮耀之雙親日臨其側望琅玕故鄉如在目睫思平日遇逢遊衍遨嬉之樂不在南閭在北陌可指期而至非若騷人遷客悵悵於別易會難而心攬目亂以重一時之去思則君固未易以輕感慨動而吾輩惜別之多猶無以為也惟其臨風把酒發言臺指故都荒溪古叢出沒高下於雲煙杳靄之間眺海水之浮白指頽陽之傾西徬然想像朱四絃歌未泯之遺音而夫消沉之遺跡躊躇輾轉念無不同此

樂者而返思吾二人廬陵一昔之會合恍若夢寐別矣是時尚
異於中園爲我寄聲無徒爲吾羨山於其送以序也又從
而詩

送段康侯序

濟北先生

故人什邡段君康侯得官桐廬當具舟楫之曰頃至新城與桐
廬相望七里瀨嚴陵釣磯佳處也康侯曰然陵與光武時以足
加腹報司徒霸書纔二十四字使者嫌少而請以買菜來益不
與也亦高矣補之曰士無窮達論歸索其身惟伯夷伊尹柳下
惠可信餘子或遠或近皆累於名陵如道足乎已無求於世栖
之不至可也至而不仕亦可也何必明人以天子三公皆舊故
而收放驚以自尊陵擇誠高亦近名者莊子曰枯槁之士宿名
枯槁自命宿道可也宿名非也康侯曰然補之曰古惟兩士近
不類於民者其一士猶恨其自言也康侯曰何耶補之曰晉文
公賞從亡者人之推不言得祿亦不及將入綿上山申其母曰

亦使知之之推曰言身之文也身將隱矣何以文爲若之推可
謂不累於名矣漢韓康賣藥長安市不二價有女子從康買藥
康守價不移女子曰君是韓伯休耶乃不二價康曰我本避名
今女皆知有我何用藥爲乃入霸陵山中康避名誠是也恐人
識之默去焉可也何必曉疑者以吾果韓康故曰猶恨其自信
也然此兩士皆勝陵陵夸山主是顯也非隱也夫陵何足高亮
武以万乘不忘舊故下匹夫乃足高康侯曰然補之因復曰今
康侯兒童勤古學問數以文詞與計偕有司不識卒遺之守經
知古廉潔不阿白首栖栖以其妻孥跋山浮江數千里康侯不
以人不知慍見人呼我愚則我亦愚以方前兩士者不累於名
不更近乎豈其必若嚴陵夸乃足高雖然士生一世取不愧於
高兵畢或勢所遇不足道桐廬佳山水多秀民康侯官餘暇此
其邑子白野逸士言而時察之得無物色有如陵姑補自遺者
猶將卒其瀨中乎

送李文老序

齊北先生

臯陶爲理或曰其後有食木子得全於伊侯之墟者氏轉而爲李臯陶事帝其言爲謨非如後世刀筆吏舍曰微纒縶筆則元以伸其喙也指李爲姓者按唐宗室世系亦臯陶後耳五千言與易合下至斯事苟卿言秦逐客非是書異其小篆有益古訓漢廣興陵顯膺固漢末有盛名言辭抑末也唐白賀爲歌詩奇怪翱又通儒李韓愈非文士伍然其姓蕃天下由晉魏而來王侯將相有大功業者尤衆以其顯也夫人而能言之而濟陰之李亦唐來宗室後始余未冠則與文老之諸父游今舍人公大夫公是中賢兄弟文老李問言諍有家法非如場屋餘子惟其所以應有司者是知古李過焉而不視愧臯陶之意者比也目余卜繒居凡幼與游白首不改者十一二且其術不利人久之所戒而文老獨數過之不惟不戒又悅焉余意文老年少氣豪軒外累殆意同則悅不知其它不然以其諸父厚余故文老

亦慕余其可也抑余嘗以謂大樸必為器博長才則數化璧璽
盈夕以作鎮冒號璜瓦不可而工日之當琢珮珉十數然必不
毀千章之木可棟可極而匠謂之此足為枘構百然必不斷向
則知其質之弃於狹小可惜也而物有友此者侏儒與人肩隨
跛而跳適及人肘歎其羸也則寧去之異塗布武為其力從
禽不及隼悵其遠也則背而翔饑坐待鼠非以其力不足故畫
也然則人徒見文老以其應有司者蹴先同李取首送抑文老
自期不在珮珉枘構之間蓋世有貧子孫賈為人取贏而已分
少者此拙於市蓋所謂非有府庫財非其財者也文老其益務
博李於文如藥驛平時儲百物凡神農所名可用以活人者關
一不可使夫一日來市者求玉泉五芝丹砂空青此亦在求羊
藿豕豎敗龜枯蠟此亦在要人之市我者可一二數我之應人
者如山藪不盡夫豈但蹴先同李取首送如是而已哉蓋孟子
論一卿之善士與天下之善士其成就者異由其李有大小

文老勉之

送光祿鄭寺丞序

校理王公

俗謂富貴者聲利足以佚其志而以孝為難貧賤者無外物之誘而以孝為易噫是蔽一時之見聞而不足以語古今之義矣先王之治君臣相與正心誠意於上而寓其教於万事視聽於下者以其謦欬俯仰之餘為之法度而被服食飲之際察於禮樂之意於形器之外方是時也窮理而以德役物尽性而以行同衆致天下好惡之仁而斷朝廷之取舍人不以辭受為憂喜而以義命之得喪為榮辱達之於海隅万里風薰雨濯以類而成者絜始於三公貴遊之子弟則其勢不得以不賢於是以知其厚薄而論朝廷都邑之士逮夫道德不售於上下無人所陶治書曰出祿之家鮮克由禮浸淫乎後世投四海之吏於簿書刀筆之中而治者無所事事設有幸者不過求有司之事而已爾遂以為枯槁閭巷剛畝之人宜篤於孝貴遊者豪華

而能受書則必以爲悌性高欲甚矣俗之陋也孰知夫道德者
人人有於中而資其言於外然後能知義命則爵祿不足以屑
其意而所以繫世之治亂蓋貴而忘貴則賤能銷好德慕權之
欲而今有以服於下賤而忘賢則愚能奮好德慕權之勇而教
有以成於上爲貴遊者得之於耳目而熟之於腹心譬之水也
源之近者浸灌深而流之遠者漸漬淺嗟乎教之失而勸禁不
設於賢否人自行法而向何裂於富貴貧賤之間耶雖然貴富
者畜僕而有餘則民間燕於講習貧賤者養父母而不足則樊
思慮於衣食有餘者致其好易而不足者遺其憂難孔子論富
而无驕貧而无怨者其不然歟至於豪傑无所待之士以窮理
爲膏粱之樂而不知藜糲之可憚以尽性爲文繡之樂而不知
韋布之可憚者豈復論夫勢之難易哉吳郡鄭君仲字榮緒太
尉文肅公之孫以童子任爲京官極日月治六經窮子而修潔
靜約甚於寒生文章議論有過人之材渺渺乎未見其止而凜

凜乎如不及學問於余余愧不足以當之而幸其非以自助今去而官於咸平余期榮緒充之而為其豪傑而不以其難辦於俗則謂予所以賢榮緒之意也

送高興可序

舉士劉公偉明

儀真高君與可尉安成之二年余遠自京師始以桑梓之礼見謁入與可揖予於庭下卑情怡聲闊步而趨委卸折旋中則躊躇若將援予使進而未已也置余於坐隅問勞狎至去荀簡而就誠實若將引予以中道而不得殆且止也去安成吾所從出而興可則治我者也所以所從出則履重若焉若皆隸於民之籍故賓主之礼宜有所不行以治我則外有等隆有差府帥有隆殺之殊警然有違從之問故賓主之情宜有所不通至於吾其所已伸損其所甚益相與傾如故之蓋於斯須之頃挽不前而又推之則獨何以得此於興可哉興可德望人也佐吾邑繼基勤倦未嘗有憚憊之意其所作為元冒其弊脫之嫌而得公清

廉平之實將代且去以爲肆而通矣輒復如說以罷任聞人皆
以爲惜吾獨以謂榮謝之去來猶四時之運雖一息不留而彼
有攬目前之小快而不知冥冥中有日俱變一不得志主謂造
物者之不予畀其不知命乃如此今與可之去氣不拂鬱鬱而舒
色不憔悴而愉翛然一舟如所之鳥躍泉東下而不可羈曰有菱
芡葭蒲魚鰕鳥鴈水產之饒而人飽足鯨鯢之出沒而窮其變化
睥睨瀾之奔放而寓其感慨鵲有酒軸有詩則吾知與可中有
以自得爲在乎此也方今仁聖在上用人如不及雖寸長片善
必錄以與可之智能識慮獨何能久幽以處也他日華衣高軒
理要權任一方之寄則其勢當百倍今日之罷云安哉言行如
轉丸遂事如發機之所東拔惟恐後時則其遇當百倍今日之
罷去安成是在與可也言於斯時乃一以故人之礼見與可於
聯離曠滿之中誥言言之驗一以爲喜三以爲賀則與可不識
尚能追念安成時乎

送邢居實序

後山居士

始吾來京師得邢生於時吾不爲今學隱約俗間游將解散族黨不親生不顧計世所好惡數從重客過下理窮日而後去此是者數歲工之從吾游者始若慕向繼以怒辱者皆欲唾其面而令願交去來紛然生固自若也生既出游於世師儒達人皆大以行天下望士云齒屈勢與之交好譽聞甚偉元祐元年春生從其親出守漢東世之知生莫吾先於其別請以善贈夫君子之取人原其本其弃人待其定或取之於始逆棄之於始喪吾始得生年十五大識度氣志已壯成人有其質也如水之始生玉之始顯顧其所成就何如耳生可不勉乎士之不能自成其患在於俗學俗學之患在人之杜塞人之耳自誦其師傳誦字之說從俗之文才數方言其爲士之業盡置矣夫學以明理文以達志思以通其學氣以達其文古之人尊其聰明廣其見聞所以學也正志完氣所以言也王氏之學如朕毀耳察其形模

而出之不待脩飾而成器矣求為相壁壘豈非其可得乎昔者子
孔子謂闢黨童子非求益乃欲速者也生則居位行則先人其
志盈矣无以復加矣而闢黨童子後元閭焉子韓子謂張童子
曰長與少異有成人之禮焉童子之所學不足當之宜息其已
學而勤其未學可也童子以數歲通二經則奇矣使四五十而
不加又何奇而張童子後無傳焉吾年如生時見子曾子於江
漢之間獻其說十餘万言高自譽道子曾子不以為狂而報書
曰持之以厚吾之不失其子曾子之賜也吾以謂孟君字之
言可法若之學可道今之學可戒也以爲子別

送海若赴官河朔序

斜川居士

孟公綽為趙魏老則優一可為陳薛大夫黃霸目二千石入為
丞相聲名減於治郡僕以謂此才有所短不足以病賢者子文
治兵於聯終朝而畢不戮一人子王治兵於葛終國而畢殺七
人貫三又耳才則美矣柳子文君子也其於世國雖舉事務殺

聞而困於博士止於執戟老於蘭陵有司之罪也有司焉以為
閣而置之冗散焉以為使者而用為州郡主有之過也今天子即位
向心儒術自左右僕射至於百執事過半以文儒居守立朝無異
宰相伏獵侍即將軍車馬侍中獻報鮮與大壘三封署安令
今皆無有而先生之才之行又勞于外此非王者之過有司之罪也益
昌之秦蜀之亂敗其主大夫車轅騎星相尋如將道路之誅愈於
月旦若先生之才之行有司雖欲自同寒蟬亦不可得自取
為通獲用於漢而謂弟子古人亡與於時先生行矣知其意
未能無待也

新刊

國朝二百家名賢文粹卷第九

序

送別序七

送程公明知縣序

賢良士公

傳曰孝乎惟孝友于兄弟淵於有政是亦為善夫政亦多故也
豈孝能盡之哉取其誠而已矣夫人之為善不因於名必因於
利名利雖不同均於有所因也且作而有所因已非誠之所欲
為也求其成功亦難矣故聖人以孝為德之本是欲誠於德也
仁義禮信非無益於德也四者施之於外也故有假之者焉有
強之者焉有不得已而為之者焉安能為德之本歟若夫孝則
施於親而已矣此生於性而根於心中之所樂為精神之至無
往而不得也豈有取於名利哉凡為孝而主於名利是以孝欺
其親者也此眾人之孝非聖人之所謂孝也今人之所爭而亡
人之所耻何暇及於政哉知府承議才識高明所居公一忠澤

深厚久而不忘天下知公之善治也孰知其所以然哉士大夫
相傳公善事父母既極其勤又盡其愛雖飲食起居不忘其親
既壯將老慕之益至而鄉人知之者益稀夫爲之既至而知之
者稀是爲其實而不爲其名也是能至其誠者也於從政何有
故昔爲廣都縣遭歲旱蝗由將稿矣公祈於神潛取蝗吞之大
雨立作蝗蟲盡死穀亦大豐及爲威州夷人數千相聚叫號一
郡奔駭有欲以兵攻之公曰不可乃單騎過橋究其所因諭以
禍福人人感激拜跪而去二者不誠而能之乎因公之行書以
爲別使天下知孝之有益於政者本乎誠而公所能行之者自
公始

送王觀作序

魯國先生

紹聖丙子歲予官益昌始從吾友王觀復游方是時其文已如
擊石拊石誠非世俗之樂獨音節未和其其後四年相會於南
隆復得其文讀之遂覺雍容調暢取意論事益有條緒無幾乎

八音克諧無相奪倫者子方鮮然異之求其說而未得或者使
謂浩翁在黔中觀復以詩書爲切磨浩翁奇之相與反復論難因
書柳子厚効淵明古休詩十數解示之俾知昔人文章低昂踈
密之節疑其有得於此是未必然吾視觀復比來日益就道蓋
更事愈多見善愈明少年銳氣掃滅殆盡收斂反約漸而歸約
宜其見於文字者如此吾何以知其然也人之精神何與於琴
而幾動於心則獻應於指自然相合有不可詰者而況於文乎
文主於氣氣熟而文和此理之浹然無足恠者蓋浩翁所出者
法也余所論者理也生之以法而觀復又曰進於理今其歸也
自言從蘇子於湘南過浩翁於宜城又將盡得其所謂法者則
觀復之文豈特如是而已耶觀復其勉之哉

上任德翁序

時年十五

同前

薛郡任公之教授通義也士之曳長裾服方領抱書囊帶優游
於泮宮者數百人英俊豪傑往往輩出有少年書生曰某者

論書不甚多屬文不甚工碌碌落落無可稱者一日持一軸書
掉三寸舌草衣麻屨樓樓登門危言高論不顧忌諱公一見而
嗟異之再見而禮負之三見而憐恤之勸戒勤篤數諭款密某
處之不能自安廼退而諮之於客曰公於我厚矣吾將圖報矣
吾欲脅脅吾天巧言令色以順適其意以是報公可乎客曰不
可是小人之計也吾將抱長劍挾匕首有患嚴至者以血戮其
襟以是報公可乎客曰不可是俠客之報也吾將淬文鋒礪詞
鐔庶幾超騰奮躍高飛遠颺於天下使天下之人指之曰斯人
也出任公之門下以是報公可乎客曰唯唯是國士之報也某
因書以爲序

送李德固還廣南序

玉臺先生

紹聖初天子銳意於治以謂人材莫先於太學於是尊經術崇
三舍以追復先帝之志四方之士鼓篋而進者幾三千人獨東
南之士居多蓋其來也去父母墳墓辭妻子恤欲得富貴而

後返茹苦含辛不復言歸鄉書至不發視輒焚之曰徒乱人意
苟時命大繆往往至白首而不返者而吾西南之士則不然其
性樂而不能苦其情愛而不能忍父去故鄉而父母兄弟之念
起則雖富貴不能動其心矣由此觀之無怪乎東南之士多也
李生廣南人也來太孝踰年遽告吾歸蓋有合於吾西南之士
而不爲東南之所爲乎故喜而書之

送蘇伯修歸鄉序

平臺先生

元符二年九月蘇伯修失解西歸取道漢中其友人王實別而
告之曰子過漢中有所謂將壇者子知之乎韓將軍拔鉞之舊
地也初漢祖欲拜大將人人自以爲得大將至拜乃韓信一軍
皆驚士方未遇閭巷之所侮辱世俗之所嗤笑一旦得志彼未
有不失色喪情者也淮陰少年方齒項紛爭之時不出一奇節
以自見於世其爲人固不若樊舞陽屠伯之勇者也信方微時
雖少年尚能折而辱之及其貴也舞陽俱爲列侯乃曰吾幸

臨臣其欽與如此由此觀之遇不遇天也閭巷世俗之輕重安足以爲榮辱哉子歸故鄉亦必有淮陽少年者慎勿與較

送鄉人遊鄭亭序

王臺先生

予鄉人任時中程子發來京師踰年求入太學試于有司連不得志聞者翕然嗟之二人之言曰亭之不修志之不篤予之過也非有司之罪也乃欲遊幸于鄭益勵其志予聞而壯之且今之士責已也輕待人也周一黜於有司則有司得罪吳子能不以其罪罪有司良可高也子其勉之哉予因子有所感夫春秋之時鄭介大國之間蓋嘗費其犧牲玉帛受盟于四境以圖覆亡之不暇予之困厄而適茲土其必有激也今天子尊經術作人材天下郡縣並立幸校可謂盛矣子爲我觀諸鄭復有昔時挑闥于城闕者乎先之矣其遊于幸校者亦將有攘臂慷慨談論執政者乎爲我謝曰茲道廢久矣二三子其無忘古之遺風予將西歸過鄭而禮焉

送成都席帥序

王臺先生

席公治蜀之五年詔書移鎮平涼賞送別於昇懷橋上而言曰
契丹大國也中國奉幣交權為兄弟靈夏小國也臣服於中國
大國富強其勢為難動為中國之患大小國迫蹙其勢為易危
為中國之患小然契丹自澶淵講盟慶曆再和之後北邊無狗
吠之聲者百有餘年夏人自元昊以來服叛不常五路宿兵而
內引百郡為助敗兵蹶將困於飛輓者累世而不息此其故何
也今日契丹破滅議者謂西方可傳檄而定是亦弗思耳以前
日之勢觀之為患大者反無足憂為患小者乃深可畏無足憂
者易亡則知深可畏者為難取也大抵國大則有所恃而不戒
位分太嚴而上下不交法令太急而百姓不附故其強易弱國
小則無所恃而常懼其軍民之勢猶一家也相卹相救謀慮日
深故其弱難犯平涼四面無險阻號用武地若朝廷無深入之
計為守而已則可若欲求朔方故地則為執事者不可不慮古

之人欲謀之人國者必有素定之策伍員之於楚分兵以縶之
克國之於先零持久以服之夫無謀人之智而使人疑之拙也
有報人之志而使人知之殆也事未發而先聞危也况夏人今
有脣齒之憂耶為今之策匿形徹備使之勿疑焉而後可以有
為也實將有深於此者而未敢言焉

送間丘時舉序

李忠愍公

部使者之薦賢也有公有私而得之也有策有辱余嘗評之有徇以勢
而薦之者有陷以利而薦之者有悅以諂諛而迫以親舊而薦之者其
薦之也私也非公也其得之也辱也非榮也非此族也其薦之也非私
也公也其得之也非辱也榮也間丘時舉之塞元城也恩威並隆而民
以畏愛應之令行法舉自里怙然凡其父老莫不以手加額為礼未知
與魯恭卓茂輩孰伯孰仲部使者能之辟為駕吏將賴焉猶以謂位因
其才而效未修也乃薦于朝然則其薦之也非徇以勢者非徇以利者非
悅以諂諛而迫以親舊有也可謂公矣而公之被是薦也可謂榮矣明

天子在上躬仄席之勤矻矻然以人才爲念而二三執政又能相上意招延英彦而峻處之公聲名隆宇宙討議公爭得之門下其亦簡所擇哉異時之榮固又有大者焉余於是立序之亦奚以愧

送公龍行甫序

惲肱先生

某辱與行甫游行甫被召而東謂某曰我有不腆之文在先生其試觀之余既還其文而告之曰閱其深然後可以造其遠究其志然後可以挹其難余因行甫之文重有得焉晚周以來以文受命于天而得天下之正統者僅六七人曹三百年間所得者才三人耳吁何其難也夫以今日之耳目而窺乎千載之上從而仅仅焉議之吁又難也嘗從味古人之風致而文章之聲貌可知已隱閔悲則引忠直拙回令若將詔百神而懇上帝也則知其爲屈平之書雲門五莖六英咸池雜然並陳而不亂也則知其爲大丙之書游無窮之途馳不極之野霍若激電瞥若風雨也則知其爲左丘氏之書抑按古今毒慰世故視國家之

疾下墜上爭望之然然祭之灰然也則爲巖石剛鐵也則知其
爲寶少傳之書清峻孤潔若五旱師若齊于廟若將大喪以祀
上帝也則知其爲太史公之書控引天地穿穴人物延才複閣
殊文跪采之積旨截施也洪寶重器神姦怪物之塞復敏擊也
則知爲司馬長卿之書倚道德撫仁義言證善而事敷隆祿也
神龍之十言十當也則知其爲揚子雲之書吁其極美矣斯文
也有以盡天下之變也建安正始江左之風詞氣輕靡意裂促
弱其間無卓然獨立之士正如騰螭騰熊僅以一喙而未從也
唐之興李習之皇甫持正李義山之流亦復雲麗風駭矣殆未
能盡天下之至變若夫曾游三代之上踵往百家之外蹤轡而
長駘迂若飛欬若裂影絕電之足欲往而未發也駢辭指事來
無定方往無常所若舞者之追逸響舟危節也鋪辭散文天矯
曲折若倉鼠赤螭之游素宵降扶風激陳風而澤万物也吁其
陳矣此斯文之正統而天下之至變也耶杜甫韓愈柳宗元是

也自皇陶伊尹周公孔孟數聖人者之作明而隱肆而冰直而
任其言憤憤乎其和其節簡簡乎其不乱也殆以正統存焉漢
氏以來正統分矣氣雖於晉魏那浮於南北唐之興凡三百有
余年至大曆元和之間斯文之統絕而復續然得其全者僅三
人烏乎何其難也欲以推盆擊缶虛吹相和爲足於樂而不知
咸韶濩武之聲則野欲以鳳管綴樓編以表並爲足於衣乎而
不知露光藻龍之綉則陋欲以啗齋靡押米燔爲足於文乎而
不知杜甫韓愈柳宗元之作亦已隘矣吾觀行用之作殆近有
得於此因其東也書吾之所嘗從事者而告之

送滕行可序

龍溪先生

滕行可吾國之偉男子也爲人慷慨有大節讀書屬文特得古
人意自江南人以經術自縊行可獨以任俠落魄魄於鄉閭爲
交報仇事成間行引去不取其直或得錢與人滿散立盡其資
不能自禁者輒推其所有與之不爲毫髮計願以此人亦樂爲

之金錢爲書買藥進士試春官不報即弃去益自放山水間專以歌詩詠性自娛一累至數千言以初不經意遇其合處便擊節長誦青壯俱暢人亦無以命之故不知者往往指爲狂生知者不過曰是特少年之雄尔今且壯矣嘗折節自苦務爲可喜余以爲此非善論人者士之能以功名特見於世者只氣而已使其曲從如環委折如韋緩急皆可倚哉蓋所貴於氣者不在於區區操修而在知其所用免百練天下之至利器也以之逐殲蠲腐肉則爲失其所用今伯彊之師其出於幽燕而皆於靈夏廟堂之上思得非常之才有如止尸軌逐樓蘭完相如之壁折朱雲之櫓耶豪於氣意孰能爲之行可其勉之哉余舊謂行可於京師五年始會於婺源傳舍酒酣悲壯段上衝冠余以是知平日言江南之豪能以書生立事者必各行可也故於其臨別不以曲爲咫尺之差爲可謹而以古人之風望行可云

元老少時讀史循吏傳以奉職循吏自中人能之宜其叙列優
多而司馬氏史記班氏漢史所紀止五六人范曄而下至死難
也然猶率不過十數人意其是非取舍時有遺漏不概見而盡
出之及游京師六七年往來周秦楚鄭之間所見若聞公卿大
夫士至多可喜者不少然求其追配龔黃溫然以循吏稱者蓋
未之見則遂以爲古循吏實少而史所傳可信不妄今之世其
無是決也未幾有以英州何公大夫石橋詩相示者元老驕焉
問其廬明日見之望其良肅而溫聽其言質而有理觀其意寬
厚而愛人退而察其爲人忠信豈弟外內惟一無不可愛知其
爲長者也已而聞之大夫之刺廉與英皆親民如子計至有能
聲於行實爲天下第一則爲之歎曰吾求循吏於世久矣乃今
始得之由是復疑古循吏未必少而史所傳未必信自愧以淺
量當世士大夫也其後大夫移刺眉州而元老爲之民大夫之
爲眉州也如元老所聞於廉與英且又元老之所親見則信乎

其爲循吏矣然元老嘗從里人之後見于左右得日聞其所不聞則大夫之賢又以夫不止爲循吏蓋毅然端亮之士也自元老之識大夫于今又五年而所得循吏无加於其初史之所傳姑又信之則大夫之賢益可貴故元老嘗謂使凡與上共事者皆克如大夫則天下無不治然而如大夫者不易得也則又謂大夫宜在朝廷使天下被其澤不且困於一州使不博而偏哉於其去眉州而來京師也以爲當功界朝廷然且不敢必者毅然端亮宜未易遇合也已而果出爲泗洲夫水一也土有爲雲雨下者爲陂澤雲雨之所施有遠而陂澤近然而水豈有擇於上下哉大文夫不爲公卿則必爲刺史有民有社亦足以發其志大夫之志有以自樂而元老猶云云否二者非私於其所厚也閔循吏之不得見歎里之長老不借留之惜其不遂立於朝廷而使泗人獨受其賜也故言

某以紹興二年負罪貶嶺外道過臨川少留志新人宜貢詔二
百里勞余於曹山佛舍一見如舊識未幾志新之次魏亦至
次魏少年有聲場屋間袖中出所爲文清雄雅奧有作者風而
執禮恭甚如見所畏者四年某蒙恩北歸抵臨川志新父子來
迎於境上余感其意枉道二百里相隨至其家爲治具三日時
送客皆止於宜黃獨志新追路至城東角上歲一遣介持書覲
問安否又四年而志新自臨川至志新剛介少与不交世事并
迹杜門雖鄰牆不相請謁乃獨頭予於檣奔流落衆人藉躡之
中別去數年相望二千里外一日具輕舟臨門墮刺驚眎且喜
倒衣從之執手惓然秉燭相對接語通夕恍如夢寐蓋留十日
而後返也某謂志新曰爭名者必於朝爭利者必於市今天下
之阨窮遺佚於車轍馬跡不接乎朝市如吾志新有幾希矣東
馬梯山乘桴蹈海採穴捋猛虎之頰溪河嬰驪龍之領雖機穽
當則抵冒而不顧然後入手爭先有力之強者志新惟無所求

也故千里命駕不於朝不於市而過余於羅爵之門況席藉言
不及榮利與盡而反翩若虛舟此天下之奇男子非世俗之所
能量也余何德以堪之酒行書之以識別云

新刊國朝二百家名賢文粹卷第一百七十

新刊 國朝五百名家名賢文粹卷第二百七十一

序

送別序八

送教授蘇公序

李士部

其讀退之文至醉贈張秘書留孟東野書侯生至等篇知愈三
三三子游從相得之樂驟見於此其志愉其言詳其文慷慨可
喜其自視天下之樂不能易一何壯也至其一旦遠離則相視
若不勝鬱抑感慕之意亦驟見之於文辭如寄皇甫湜贈張籍
詩寓東野書咨嗟涕淚丁寧告語有類兒女態者愈之剛明俊
偉顧乃如是蓋宗士鉅儒為之依歸亦無以託其名二者其相須常切
而相遇常疎以相遇之疎也於千載之間適相值焉其志意之
合固有不可解於心者其相得也以為樂其相違也以為悲理
之當然無足怪者東野籍湜之行愈明下士以愈之懸懸於我

子數子於愈從可知也某以大觀元年肄業郡庠其師教授蘇
公公之幸出於韓愈其文醇深雅健視愈而愧而收接後輩假
借誘掖不少所長格物實證其學者爲文要以師古自成一
家之言俚近不根之辭非文也子其慎所習其再拜受教時方
在折文字間以從有司之求未能詳究悉達去年春試二庠偶爲
有司收錄因自私幸以爲西歸之日將得畢志於空自趨函文
承先生之告訓以償其宿昔願望之心庶幾他日得自附託如
東野藉湊之徒於愈者今則先生受代而西矣某之歸未踰月
一至郡再見於李廌先生誨之益加而其也未及進所有以求
教誨之万一以卜其他日之何如遽然遠行門下其感慕亦慕
之意視衆人當如何哉某嘗謂人之於文固不可無指授至於
工拙能否則在所自爲薛之秦人適越不知道之所從往則必
問途於知者其知者必引而示之以當道然或至焉或否焉其
至者必曰進而不止者也其不至者必怠而不進者也士得當

此大儒爲之指授苟能遂進而不止則其所至當不偶然其或
怠而不進雖曰相授猶弗覲也東野精湜之徒亦常於愈之門
能使其文表見於後世蓋其能自進如此豈必日接膝而後爲
相傳哉某不肖何敢自附於數子然先生所以獎借訓誨者厚
矣今旣不獲日侍門下以畢其業願所勉者朝夕自勵遵承前
訓奉以周旋求近古人万一以無辱大君子之知而已此乃先
生素所期於某者而某區區所欲以仰稱先生始終教育之賜
庶或在此故於行也併誦其說以獻

送郭潤伯赴廷試序

淮園先生

唐宜春盧肇貢于京師同時預薦者數十輩守宰札錢長亭肇
貧不預則休轍道左以俟觀者耻之明年試礼部王侍郎起提
文衡訪人才於李丞相衛公公曰如盧肇豈可不与及第勝揭
肇第一守宰奔还帳飲光華競渡間作肇即席賦詩有果然等
得錦標歸之句唐距今數百季儒登科者無慮數百輩其間

貧富公執計亦有之但不身見尔潤伯屢薦屢黜聲利兩困將
朱墨挑關有追凍餒而已矣西類試吾邑天荒獨潤伯与史浩
勦縣外礼部鄉人榮之曰是豈爭名者觀潤伯之達則知造物
者終不因於吾儒也東裝以東漫刺叩明遑遑乞貸朝夕赳赳
蠶需望雷途費入一二呼呵之而不可得退求其所以附託而
東者超乘而推墮車爭舡而指可掬乃憤然投謁郡侯師先生
暫顧而青雲平地一諾而万里咫尺歸語其事於予喜且欲殫
予謂肇之困於宜春而伸於王李二巨公肇之名至今不朽王
李之美事宜春之魏色予与之耿耿於一載下潤伯特達逢遇
亦今日之盧肇也故書其事以贈行然有一事相祝異日青
雲得路寒士相赴慎勿忘休轍道左時

送黃元齡歸南盤谷序

曲肱先生

冬裘而夏葛渴漿而飢黍嗜好取金喜怒哀樂所便以為安所
惡以為疾人皆有之不俟分疏自解而後諭伯美之隱展禽之

仕伊尹始農而後相孔孟環轅周遊如冷暖飢渴當然而後
爲詭激進退出處了無可疑聖賢動靜之迹兩途而行道之心
一致秦漢以來固有合於聖賢之爲者至度出處利害擇焉以
自居進無可觀退亦未足甚高於是曰處士之名謗國者也大
都士之出處必待辯說計較而論爲不進矣山陰葉壽元齡用
其孝爲餘千餘于大治終更而去也告其友曲肱寮熊某曰我
平生讀書老未有所就顛頗喜李愿歸盤谷時韓退之爲序
我有山居號南盤谷我將隱矣公能序且歌於我乎予笑謂之
曰李愿不足道獨倚韓公以傳然序稱大丈夫或指誰何併給
人把持羽旄器物與粉黛頰眉妍好謂退之盛以謂世則不可
知若愿不能不芥帶於中退之又爲之辯說用是不遂而歸何
小小耶周續之去馳心魏闕者以江湖爲性若情殊致兩而朝
亦崑穴耳元齡器度宏識行且用世若問津於夷易之途養志
於恬淡之境進不祈功退不近名則通都大邑皆南盤谷也不

然山林乃數言憂樂一大都會君獨安取愿乎子文字不及退
之固也至論士大夫出處則不以退之爲然於是歌南盤谷以
送之離離兮秋英露漙漙兮夜零南有盤兮何許風嫋嫋兮遐
征斷崇岡兮迤靡宿堯牧兮丁寧呀澄淵兮汗漫襄岫悵兮翠
巖撼舍綠兮掩冉畦蓀葍兮闌干牛羊下兮散平楚暢夷猶兮
容与彼迷途之回遠兮盤吾樂兮斯覩茗揆君之衷兮豐仁義
兮無兵冠切雲兮珮明月懷文韜兮連城偉達人之大觀兮曾
何累於去來思姱覲以閑閑兮亦優哉而游哉陋誰昔之窘窘
兮驚龍辱茲祥災南之盤兮幽幽盤之雲兮其出油油君兮歸
兮不可以久留

送友人遊學序

思齋先生

天下之言賢不肖不啻若死生晝夜之易分也而世之人不能
察者常十五六能察者不過四三而已就其能察之中而問其
所以爲賢而所以爲不肖而能言之者蓋無一二也夫能知而

不能言非真知者也無見於其中而姑意之是矣意之之言與見之之言不同見之者疑之不咸究之不窮而意之者似是而寔非一叩而不能應也故凡世之至此無怪乎是非不明而冥愚不一也其雷同之風有以作之也甚矣雷同之爲患也自晉少時與二三子者爲友好立而異俗故悅之者寡而群朝聚罵不唾則笑者所在皆是也它日二三子有去而獲美名居顯寵者而世更慕之故吾亦以是少貸於人然其所以益我與其罪謗我者皆過其寔而未有若子之知我也子之知我豈亦徒意者哉其識明其論高宜有以得之矣故嘗論子之孝於其至也非其有所見也則不言而子亦以是謂我爲知子也雖然若子之於人非苟美之而已將有以益之也子之質不愚不美而患日不加充氣不患不剛而患志不能一求其充而一者而子之道立矣詩曰不失其馳舍矢如破子行勉哉過成都有五子友李仁甫者攜二三子者之文也子往見之以此示之

送趙使君

同前

往時資州趙使君馬家君子起蜀西偏提筆赴汴与天下士游
于天子之季維我徽考皇帝實以文事治天下而來游于季
者之四海九州之英之傑也顧無出吾二老右者當其時二老
蓋希衣主天下文盟家君子今老矣頽髮無一莖黑者去家
四千里仕於夷陵之季官而資州佚老于四明山下凡五年乃
之官方其在汴時二老之心自視築嵩釣渭何以相遠天下之
有識知者固自以功業中人期之一時籍籍稱黃趙而投老得
官困于州縣此殆天也雖然資州親見今天子擢宗子博士入
樞廷与編摩寔今天丞相夜半客蓋去天尺五而近猶且裴徊
相半于外况家君子之厄窮者哉然則是行也當爲資之人賀
不當爲資州賀也雖然二老未爲不遇也昔者孟子莊子同處
乎戰國以斯道鳴孟子蓋自其粗極之至於精微而莊子則落出
故憂幾不介意其爲書旁肆橫潰詭譎百出要其歸無不自根

本中來三君子之言不同其所以言未始不同也其後佛之書傳于中原而李士大夫以爲不孝佛者不可以死不知佛書未入中原而孟子莊子已極其說矣唐柳子厚李習之近世二蘇氏隱然爲一時儒宗大抵孝佛得之誠無取之佛而取之孟子莊子則佛之書可廢四方之教可無行乎中原而道統一矣家君子嘗以所得著論語解十卷孔子曾子孟子授受之要僅在於是而資州繁薄四明山下盡發莊子妙處爲後孝指南其繼自今道統出於一者當自二老始彼富貴利達其氣力足以蓋一世視二老誠過之然如草木榮華之飄風不須更問低滅斯盡是孰與二書萬世之傳也哉然則二老蓋超然于載之上与古聖賢爲遇合是豈區區爵祿云哉夫陵夷新出於兵火焚劫之餘學者無幾雖有書誰其授之資州將爲政於千里其後實等而多儒庶乎其可少施矣此子爲資之人實不爲資州實也

昔有客來見龜山先生先生曰子盍誦詩乎溫柔敦厚詩者也
客謝曰嗟某知先生意矣某性剛性剛多得謗先生曰嗟子之
剛未煉也夫剛莫剛於金矣未入大火則多礦少真易折易缺
使經百煉乃爲利器子將鍊蹠上波雲霓陸斷犀象水截蛟龍
其剛如此煉也子勤誦詩玩三百篇之意以養溫柔敦厚之氣
庶其免乎余三復其言而周旋之南康宰建安陳庭傑朝參余
同年友也性資剛正卒問精深且凡俗所可窺測顛仆州縣間
餘二十年矣惡言詈辭拂心逆意人所難堪忍若朝參處之異
如也宜亦聞煉金之說乎却又聞之天下之智生於憂思而死
於安樂故德慧術知乃起乎疾疾而苦其心志勞其筋骨餓其
臍膚空乏其身行拂亂其所爲者乃天之將降大任預畀傲很
乃成大舜險阻艱難乃立晉文豈天之成就人才每以困苦爲
造化乎又豈朝參深知此理故安然受之而不辭乎余嘗三叩
之乃謝曰固嘗佩服焉張公之戒矣雖然行百里者九十者半

知之何難終之實難果能終之其所成就當如何哉朝廷其無忘天意無忘龜山紫雲之意以終之乎因其秩滿不歸解送龜山之言以實之亦以自警云

送張知常序

石月先生

上即位二年秋用大臣薦召奉議郎致仕張根知常詔下士大夫以至閭巷小子莫不相慶張君舒不計上行有曰余子謁錢因爲之言曰天生聖賢君子非爲其一身計也蓋元聖在上必有同心之臣相与左右然後生靈以安而社稷以固若乃孔孟之聖生於季末轍環天下卒不得志者豈天之生一聖一賢固欲遺之而使斯民不被其澤耶抑亦天爲後計計焉尔愚謂君子与其得志於後世不若得志乎當世也然士之出處當審乎忠孝不能兩尽知常壯年投綬恩逮重親孝友之聲者聞天下然不敢違天子命令今又將起而盡忠於王家知常於進退過人遠矣其無才乎聞於時獨抱器識辭爵祿老知常之退某之謂

私惜也爲天下惜也知常之進某之喜非私喜也爲天下喜也此行也能爲人之所不能決矣方今太平既久宴安之毒已萌思患而預防之今日急務孰大於此可以極口而論之乎百戰事之間倭卒布列骨鯁環奇之士無路自達可以極力而薦之乎國家盛強上下內外無四顧憂計有大休戚所係可以奮不顧身而任之乎使万世之下於知常瞻望咨嗟而不得復見者不肖与天下所望於知常也其勉之哉庚辰十月初某

送呂莊夫亭

西山先生

熙寧二年主介甫自金陵朝京師天下之士如司馬文正公舊與之游許其爲君子獨中丞呂公獻可上疏論之曰安石庸人也用之擾天下耳臨文正公亦有喜其甚矣之嘆介甫既預政則明言堯舜之道陰行管商之術用邪說以侮聖言立新法以廢舊典天下大失望文正公爭之不從以去貽慨然曰呂獻可之亮見吾不及也異哉介甫之事也謂天地不足畏謂祖宗不

足法謂人君不必恭儉謂人臣不當諫諍其為不祥古夫有也
以先帝之明終罪其說不用而元豐之末天下已騷然賴文正
公起相元祐與民休息不至於亂幸矣時中丞公已死不及見
也天下誦其言而悲之自紹聖以來小人挾介甫欺君之說以
起朋黨之禍序文正中丞為最為邪而公論廢矣天下之士非
不嘗言則不敢言其者不許言也今日更伏之勢至不可諱初
無一人痛哭以告於上坐此也陛下明文正之功數介甫之罪
以訓天下中興之地也議者尚以介甫之辜為不可廢嗚呼可
其謬論者故自介甫之孝行于國中五十年其善也朝廷無今
日之禍矣士役成都榮庫呂廷夫為士曹掾每相與論天下事
必感慨太息或至於流涕也一日召廷夫赴政事堂且用之矣
益在九縣為最遠樣在百僚為最下廷夫之賢固也所以得此
豈曰呂中丞孫子耶莊天讀中丞之書又嘗問道於伊川先生
其自負足以辨介甫之辜矣是有也必有可觀者焉靖康二年

十月十七日甲子河南邵博序

送伯正兄赴漢州序

箕山先生

今之人之為謀其善於古欤其不善於古欤人皆曰我善謀古之愚不可為也愚則不知利害之擇惡能保其身其惟明哲乎古之剛不可為也太剛則折其惟和乎吾不知明哲也和也其亦若古之所謂欤古之稱明哲也剛不吐柔不茹不畏強禦則其為人所惡者多矣其稱和也尔為尔我為我祖楊裸程於我側尔焉能浼我雖不以浼而不與之同則其人内愧而不樂者亦多矣夫如是果能保其身而不折也乎或曰時異事異今不可以為古也今之明哲也和也有異於是強與剛吾不得不畏也祖楊裸程吾不得獨異也然則非明哲也謫也非和也同也蘇秦譎焉而死劉歆同焉而死惡在其能保身而不折也乎蓋君子避不義而不避禍修己以為義其途与禍背而忽焉遇禍則以為不幸枉己以為不義則適禍之路也古之謀其真為不

善歌子尼伯止將往廣漢行二千石事其亦佩太守章以如梁
山而感於古今又之爲謀善不未知孰從於其別端拜以問之

送馮當可赴彭州序

同前

予父與公游知其孝於經深也時其將治彭州其途適予因以
問之昔周之戒群有司旣云孝古人官則孝可以從政也前乎
孔子者經蓋未具矣彼之孝者不在經乎聖人之道蓋始於治
身終於治人用之於天下可以王用之於一國或過於百里或
儉於百里皆可以爲善國初未嘗有書也有不得天下與一國
而爲則著其所欲爲者於其書不獲効於時必獲効於後道非
富貴之器也善其身者也資以濟衆者也後世孝聖人之道者
名其書以爲經不求其用而求其言不被之於身而被之於其
牘高者求之也過則曰聖人豈與人同哉求之愈遠而愈不近
恍惚放蕩遂至於猖狂而無神於其身況於人乎安於常而書
其所聞則不通其宜或以爲古未可以御今止謂之空言而求

以爲身章使其徒稱之曰儒其君聘之以爵位俸外而淺中則
又依託以售其藝而取合凡能蒙大難成大功者率出於武夫
而儒者無与焉通一藝以上者自漢惟以爲博士弟子或人主
從而授經則以師傅貴之而不大貴之儒者所立止於如此其
臨利害無小大誘之則動威之則懼聽其言則堯觀其行則昭
者皆是也聖人之道何獨可於古而不可於今耶斯吾徒之罪
也有辭之者曰古之爲治者三封建也井田也肉刑也吾操其
具以出猶持舟而使推於陸豈吾罪也哉然則聖人外是三者
卽以爲道耶無以爲治耶公曰稱我以儒斯頌我者也責我以
儒斯規我者也雖老不可以不求益焉請得子言焉之俱故書
以送之

送李中行提刑序

觀堂老人

詩之篇言豈第四註者曰豈弟之爲稱樂易之謂也樂則其心
泰然未嘗有所累易則人皆可以親而不難未嘗有所累故

人皆可以親而不難故下不能為蔽望之嘗許之天下之至難
天下之至易天下之至險天下之至可凌天下一之至察天下之
善受人欺者難為險如是而已人皆有以取之耳其中有以不
然後又見於察也故不如未嘗有所累事來而觀見人皆可以
親而不能為蔽者之為愈也詩之言豈第四皆大事也青蠅之
懼讒早麓美周之所以世得福祿禍勦則望乎其君恕以用人
民由之以休息養向召康公戒成王以得是能坐却小人与之
游處終成人君之性其効至於肖先公章土宇王百神長受命
康第祿法四方台多士士之所願乎當世得是亦足矣嘗恨世
人奔國其讀未嘗有味斯言之愛遠也上之二十有二年鄱陽
李公出持巴子之節公盛德人也天下進趨語言閭閻氣正聲
怡焉有其負終不輕出片辭以折辱人退視其所指揮禁金湯
統輝祀婉而應法人為肯肯如善射者不見其力但見其中也
嘗觀公上一大獄入縲以為後當如是如是止者既皆不為限

林欄修數百家連江涕行讀後一幸釋之亦莫不當卒其一人
究人始服公臨事曲折奇中可驚如此也夫此非輩第者功於
某於公屬則吏道則弟子師不宜不知公今去而為西使者也
於其行重為東人惜而賀西州人之得之也且使以堅信公則
易治故有是說

送趙莊叔序

同前

天下礼脩政行幾年先一恨者獨風俗靡靡然耳陛下憂勤
於上大相國日王都俞於前皆帝王忠寔之幸而之朝廷朝廷
應矣獨吾遠方下邑一敢引劉氏雜霸之說願為妻子報爵計
得容足矣視其心非是愚者此乃可痛中間有人復欲為大以
欺世狂若陽兒若愚者而世若不高下曰此道也夫固期以避
禍納已則不如尚由前說人且知所羞而不陷嗚呼引天下淫
淫入於利而以道自名誰不甘此其害豈不益甚而可益痛也
或二十一年春 皇帝策天下士至親御翰墨有言事

爲癡謂履忠信爲拙以括囊爲深計以首鼠爲圓機國家何賴
於斯子大夫其爲朕究西濯革習之術焉大哉斯言士何以仰
承皇帝之休德當是時進士趙連能文其說數千言上得之喜
親擢在第一於是天下益知朝廷終欲忠寔吾士而喜趙君之
得時也蓋君內高明而外沉厚由家人至鄉黨遠近皆愛而重
之非以飾也余嘗言爲善自樂不矯不沽吾敬趙莊叔莊叔亦
以吾爲知言越三年上思趙君自發書潼川府判官廳公事召
校中秘書與君爲知者咸喜歎曰君其富貴矣予喜又異上期
以忠實愛吾士趙君之出適當其時豈偶然哉豈偶然哉使天
下皆如趙君爲善出於中道之既明又明矣吾聞大丞相逢
人問士喜見眉目即尔君爲言夜郎之西有人其類不文苦信
書其口與公似不相背叛不敢耕陛下所屬者老矣方困願乞
一官江湖間尋白鳥之舊盟時作詩句爲吾君吾相粉飾太平
事傳之後世其它不敢異也

送唐立夫赴召序

金華先生

天下一家往者蜀士獨无階朝廷不得焉中州齒蓋由元祐蘇
范君子甘心殺身以捍生民之禍於是見憎小人遂塞蜀一而
併錮之雖然蜀士特无得於富貴尔方崇觀政宣之間中州衣
冠之責為如何哉无足張丞相一朝截出當軸主斷慨然欲任
天下之重於時蜀士之勢駸駸哉振先公內庸之行所為作也
未幾卒不容於小人張丞相既逐先公坐鉤黨謫嶺外竟公廢
死朝廷治乱至是益分矣自胡羯首難中州蕩覆五蜀公老子
弟傾產赤立趨赴公上環數千里閱十年怙息无事則蜀果媿
於天下耶向之小人皆貴各鉞委章莽而近歲北門西掖蜀士
始得以明目而送蔑然視天下固不當什一而聞之東南薦紳
已漸有忌惡蜀士之意故去者而來者率常踵相跋夫遭變更
出而後僅脫於擯壓及今猶將不免焉蜀士難進乃如此幸而
一登文石之陞涉赤墀之塗當戶牖之法座不尽慈憐智為大

子精言之必待久而信焉而入則天下安危之機間不容髮寬
平之時比之懸矣况果能養谷淹引不遽排斥歟是於蜀士又
重辱之也比者當可滿兄對語割切要事者英之要如當引乃
無資於清議誠足為蜀士之光華也微立夫其復可望此乎先
公人物第一流官為至薄然文章有不朽之傳而道義有不斬
之澤此顏氏之一軌不易累公之千軀也惟立夫之是以守家
法以濟世用行矣勉之素昭之誅伸於子蘭而越蠡之功成於
宰嚭屈原伍胥非不知之也願人之識慮初不大相遠或誘迪
之或拂亂之俱有命之者主主虛己從善立夫務自竭死而勿
欺則岷峨有神贊龍綏之且先公辯蜀論不但為防閑沮遏發
也亦謂蜀有人焉耳而脩絮然異如吾當可立夫蓋已兩士豈
不盛哉奈何曾不朝夕以講以游繼為公車所奪然而子不敢
致怨於盡取也及將為蜀賀為朝廷賀云

送劉襲明赴行在序

金華先生

天下治亂不極不變有以維持之則益治無以更新之則益亂
故變之方形而未作也如水之欲決如火之欲發其機間不容
息若不迎其機而急乘之與不審其機而輕用之則冒突立陵
燬茂城聚縱橫四出而不可遏是以聖賢不畏方治方亂而畏
極治極亂自唐虞以至五季皆可參伍而驗也宣和之末治極
矣而不知所以維持之故以致亂靖康之初是變之方成也其失
知所以更新之故以亂益亂然靖康之末亂極矣而又不
在於不迎其機而急乘之何者於是時欲戰可也欲和可也權
猶在我也夫虜人一旦長驅莫有誰何徑薄國都不自意以至
此堂堂華夏豈無蜂蟻之虞特惛疑虛喝以劫我也使能枕戈
待旦食不下咽悉取宣和之弊事赤地而掃除之巨蕪元惡陳
於廟社戶其腰領而率流涕之民北首燕路以雪大耻則一舉
而可以復振不幸而不然嚴其名分優其札幣朝馳咫尺之書
夕可講成而歸虜固未能忍然而無忌也奈何羣公卿士駢首

訖日和戰之議紛紛於庭未有所定而虜已再至矣此機一跌
中原遂墟及建炎之初是變之再成也其失在於不審其機而
輕用之顛到錯繆屢起屢仆天下之氣愈索而折於虜虜人之
謀愈深而易於我和戰二者之權皆去而棘手矣雖然虜人十
年得中原而卒不能有之故亦無能爲也雖委之於楚而終委
之於齊非真委之於齊楚也姑以系民心而觀其嚮背也刈殺
非不至禁約非不密而民卒不爲之用故詭挈中原而歸於我
我拒而不受不可也受而不懼亦不可也是又大亂之極而機
之所當察也天下至此蓋凡三變猶無以善其後尚安所稅駕
乎若虜之鷙討竊弄搆之矣自今圖回注措無一不當因彼之
欺收吾之利不先機以啓釁不後機以貽悔可使梁秦爲吳蜀
扞而不可使吳蜀爲梁秦如是則千載一時也又不幸而不
然虜將有以藉口而號於中原絕其存本之思而堅其紿安之
意吾且撓於縱擒之勢而損其子取之術品尤賤夫有喑者

而死矣嗚呼社稷禍福之分在此幸也惟公慨然有志垂光竹
帛不憂苟合亦不憂不合行膺前席異寵顯明自張膽一吐胸
中之奇昔晉魏絳既和山我言於悼公曰願君安其樂而思其
終則有備无患君子謀國蓋如此見丞相其併告之

新刊 國朝二百家名賢文粹卷第一百七十一

序

送別序九

送張荊州序

南軒先生

客問於某曰張荊州之行予將何以告之某應之曰吾將告之以講李客矣曰若是哉吾子之迂也荊州早歲拔策大廷天子親擢為第一盛名滿天下入司帝制出典藩翰議論風采文章政事卓然絕人上流重地暫茲往牧所以寄任之意甚重而天下士亦莫不引領以當世功名屬於公也夫以位達而名早任重而望隆吾子願以講李客之不亦迂乎某曰子以吾所謂講李者果何也耶蓋天下之患莫大於自足自足則畫矣信如子言荊州若挾是數者以居則僕向何道惟荊州方且汲然若諸生曾无一毫見於顏面此僕之所以歎息慕用而講李之說是以敢發也蓋天下之物聚矣紛綸膠輶日更于前可謂可

惛所以盡耳目而動心志者何可以數計而吾以藐然之面爲
之知誘於外一失其所止則遷於物夫人者統役万物者也而
顧乃爲物役其可乎哉是以貴於講學者天下之事變亦不一
矣幾微之形節奏之會毫髮呼吸之間得失利害有霄壤之勢
吾朝夕與之接一有所滯塞則昧幾而失節其數也不審則其
應也必謬一事之熟萬事之所由隳也豈可不懼乎是以貴夫
講學者也夫惟講學者而明理則執天下之物而不固而應天下之
物不膠吾於天下之物无所惡而物无以累我皆爲吾役者也
吾於天下之事先所厭而事先以汨我皆吾心之妙用也豈不
有餘裕哉又豈有窮極乎然所謂講學者寧他求哉致其知而
已知者吾所固有也本之六經以發其蘊泛觀千載以極其變
即事即物身親格之超然會夫大宗則德進業廣有其地矣夫
然故富貴不能淫貧賤不能移威武不能屈吾居天下之廣居
有天下之大道致君澤民真古所謂大臣者矣然則事其可忽

乎詩云如切如瑳如琢如磨此之謂也其既以此告客於荊州之別也遂書以為獻

送方耕道序

同前

莆陽方耕道為尉善化予聞之熟矣夫資耿介臨事不苟問于其所部則翕然稱其清未嘗擾民也間從予講論問辯於其秩滿而歸既惜與之別且將有望焉則從而告之曰人之性善然自非上智之資其氣稟不容无所偏者也者所以化其偏而返其善也氣稟之偏其始甚微惟夫習而不察日以滋長非用力之深末猶反也故傳稱矯矯矯矯大者揉而正之也願耕道无恃夫天資之美必深察其所偏致知力行勉自矯焉異時相見當觀氣質變化之淺深而知學力之進否也耕道勉之哉耕道起而請曰某亦頗知病之所在矣其將何以藥之乎予又告曰語所謂一言而可終身行之者其恕乎而其道乃在於已所不欲勿施於人而已要須從事於此乃知聖人之言真為要可也

外高自下陟遐自近涵泳條察久而勿舍則氣之暴者可得而
平量之隘者可得而擴患其近於薄者將日趨於忠厚患其失
於易者將積而為數篤是則強矯之功也氣質益化則大理浸
存眩面益背端有不可掩者幸其有窮極哉如其者方朝夕自
矯其偏之不暇異時亦望吾子有攻焉遂書為贈行之序

送陳教授序

洪內翰

府司必有掌故漢制也後世无傳焉京寧中何正猷公為天官
常伯念通官文書委使乎多嚴其家顧金錢舞法甚不便乃請立
庫反置除官臨之名曰主管架閣於是六曹並建而具負品格
財視倉庫督領高士不肯為乾道淳熙以來始重茲選非庠序
勝流若名占甲乙科莫得預由是而之成均天祿直拾級策足
耳然必棲身京華食玉炊桂次且光範門上書北闕以或旬月
然後遂至於外秩未竟而先出命以遲之則自永嘉陳君蕃叟
始審叟用李業行願表東國分教鄰江去而羽儀清華識者由

恨晚南風標季子帆上櫓子懷游屏處不能沽酒買肉留連
一觴又不能折柳賦詩道別意至登仙之美分付鶯花與後生
可也紹熙二年六月十一日序

送范漕赴湖北序

趙狀元

湖北在春秋爲楚都壤地千里處諸侯雄秦爲南郡漢爲藩國
晉宋爲宿兵重地杜預陸遜更亮謝尚之所執戈而歎息劉元
德孫仲謀所以返面而投隙也皇宋受命以路分天下之地數
路之重湖北焉焉蓋爲節度者三爲列郡者十二揔十五郡之
地爲縣五十有六其土廣故其名崇其地近故其擇人以治之
也必詳今東興在臨安湖北爲國西門其地益近其名益崇其
擇人而治之也甚難而加詳也紹興十五年詔徙成都范公爲
轉運副使湖北之民企踵而望成都之民遮道而不得進公進
焉屬吏某曰湖北成都非所以輕重公也雖然某將爲公慶公
名家子孫有文武長才度量雄偉可屬大事雖處外二十年聖

上之心未嘗一日忘公姓名也故將命司蜀者再詔許優厚夫
眷甚寵不與他使者侔而他使者視公亦不敢同也方朝廷綜
核名實出撫弛進忠良作新中興之政多士盈朝豈无可以堪湖
北之任乃數千里命公領之公知其所以然乎方天下多重賢
者宣力於外以爲天子懷惠遠民功成治定賢者在內以贊天
子方機之政此古今之所同然也公在蜀有功於蜀人天子念
公功曰湖北寔迹王畿吾將觀焉然其間之荆楚之間其俗梗
健而多能剽悍而易搖公歸其以治蜀之政治之薄其賦時其
役革其濫風起其良使其民如蜀民當是時天子獨以湖北慶
公哉其旣以慶公且爲河北慶繼又爲四海慶也於是一路之
人夫若吏若士各爲文辭稱述天子迁擢之意誠恐以湖北爲
超迁優異之命而不知湖北者寔超迁之權輿也

送丁子近赴陝西宣諭幕序

方舟先生

儒者貴仁義權率以戰伐爲愧一遇以舍卒之變則曰我以仁

義未效而覆軍殺將以血肉赤子丘墟城郭者相率豈仁義罪哉不知權故也儒曰我孔氏徒也去食與兵而所存者信是聖人設爲輕重之說使人皆知以信爲重信則重矣飢者亦將以信而食乎茲又聖人深意而需不知察也聖人以俎豆易軍旅世之拘儒者以爲口實獨不知我戰則克亦孔子制勝堂上之奇也且世俗之情三軍方夫之情也外降酬酢主客相敵之勢也小者堂戶大者城闕必有向背曲折之勢是亦設伏出奇所也手足之所便利者必有執持之物是亦器械也語言答和揣摩押闔以相周防以相聳動此正合奇勝之術也兵豈遠乎人情哉上者恨不得見伊尹周公太公孔子孟軻荀況與言兵之道下者又不得見張子房諸葛孔明荀文若與言兵之推抱病卒歲爲几案間腐物往往登高望遠思欲湧過江下荆門合吳會出淮泗從山東帶秦隴以觀古之扼吭拊背而未暇也文生丁子近濡而言兵疇昔所得於六藝諸子百家無巨細一槩於

是嘗作方書以進大率以家利害其幸素所蓄也今欲衣冠
寢廟之地不煩一矢之遺而復侍郎周文自禁從衛命遠使以
慰陝右新集之氓禮命豪傑以自輔故尺數千里辟子近為府
從事子近平日耿耿者得非有可言之資乎抑亦淫弄文墨於
翩翩之賦而止周文一代磊落人其有取於子近豈徒然哉翽
日出錦官城南執一杯酹武侯盡出區區之言與子近別功名
為親勿起秋風之思雖貴育之勇何以過子功

送吳教授序

王湖先生

臨川於江西號士鄉王介甫曾子固李泰伯以文為一代宗主
而皆其郡人故其民多業儒錄錄者出與它州角足以長雄故
能文者在鄉里不甚齒錄獨素行可考而後貴也吳氏子鑑余
為州府時所宰進士方群試于有司余固識之登于朝中乙科
知貢舉者嘗欲以冠多士既不果則為之延譽一時聲名籍甚
分教郴州學以余之素也來廣西從余廬三時而後之官余

鑑不以文勝益見貴於鄉里者雖然古之君子固有獨行自立
舉世非之而不悔則貴於鄉里猶未足道鑑也蓋尚友古人益
思未見其止者與必試於烈火而後知王万物俱流而金石西
止余欲金玉鑑也勉之乾道二年二月既望張某序

送錢塘僧思聰歸孤山序

東坡先生

天以一生水地以六成之一六合而水可見雖有神禹不能知
其孰為一孰為六也子思子曰自誠明謂之性自明誠謂之教
誠則明矣明則誠矣誠明合而道可見雖有黃帝孔丘不能知
其孰為誠孰為明矣佛者曰戒生定定生慧慧獨不生定乎伶
女有言惠則通通則流是為知真惠哉醉而狂醒而止惠之生
定通之不流也審矣故夫有目而自行則褰裳疾走常得大道
無目而隨人則車輪曳踵常赴坑穽惠之生定速於定之生惠
也錢塘僧思聰七歲善彈琴十二捨琴而學書書既工十五捨
書而學詩詩有奇語遂讀華嚴諸經入法界海慧今年二十有

九老師宿儒皆敬愛之兼少游取楞嚴觀世音語字之日聞復
使聰日進而不自聞思修以至于道則華嚴法界海慧心為
緣蘊而況書詩與琴乎雖然古之孝道無自虛空入者輪扁斲
輪偃偃承蠅苟有以設其巧智物無陋者聰若得道琴與書皆
而有力詩其尤也聰能如水鏡以一合万則書與詩皆益奇吾
將觀焉以為聰得道淺深之候元祐六年四月二日

別張道士序

章丞相

雲林道士得太虛一點氣飽其腹中虛明爽洒如此者十有七
年矣其立如鶴其步如虎坐如凝目如龜寢如抱葉之蟬与之
語衣袂可喜觀其心蓋欲天下無物我皆能呼吸屈信而長久
也然其用心固善矣吾自涉世已來見貴人富家知以氣自養
者万無一二而窮夫賤叟識性命曉賓主者十有七八吾以謂
造物者至此為劇也方其位高福至聲勢軒霍自有娉婷耳有
絲竹厨有良肉既有此焉公者二侯者五其爛熳如此而使知

是道無則貴人富家長不老且不死而窮夫賤叟貧困壓迫於飢寒風雨又無坎泉離火以自捍固則向地埤槿花何短長之較哉子方慎重勿泄凡貴人富家使其自得之自得之不思不盡汝切勿教凡窮夫賤叟有未能誘之使能有未盡告之使盡吾言雖激其亦庶乎合天意也

送塞道士遊廬山序

無盡居士

成都道士塞翊之來言於余曰吾鄉羽衣之族世相尚為婚姻娶妻生子尚流俗無異拱辰因觀道藏神仙傳記翻然覺悟當吾之血氣剛強視聽聰明嗟嗟順吾耳青黃赤白炫吾目甘脆膏腴爽吾口馨鄉韻烈適吾鼻滑澤纖柔供吾舐歡欣動湯感吾意此六寇者乘吾之督亂晝夜与吾相親而未嘗相釋也一旦吾之形耗而羸氣耗而衰精神耗而疲八風寒暑之所薄百邪鬼祟之所欺陰魄欲沉陽魂欲飛則冠者曹莫吾代而天下之至苦吾獨當之房闔之戀莫如婦血肉之恩莫

如女拱辰於是采簾囊中之所有予之而謝去給以定事出遊百里遂泛涪江下漢水歷縉雲出塗山訪參公之洞府瞻神女之祠觀而達於諸宮也將欲浮九江入廬山結茅於錦綉之谷長爾乎香炉之頂撫劉石以遐想挹遠溪以濯足蓋吾之術以性為基以命為依始乎有作終乎无為竊聞先生究離微之旨窮心迹之歸奏无絃之曲駕鐵牛之機故又不遠而來見先生也嘗試為予言之予曰壯哉子之志乎難行能行難弃能弃吾弗及子矣予適有口疾不能答子吾有方外之侶曰常摠居於東林必能定子之疑請持吾之說而往問之時元豐辛酉八月赤岸竹館序

送參寥道人南歸叙

斜川居士

物有是病必有是德也藥之苦口必藥之良者也馬之號醫必馬之善走者也君子之病曰剛與厲隘與不遜焉乎此世俗之謂病耳何者夫君子之以謂士之立身寧有是病而惡夫所謂

鄉原者孔子曰吾與狂狷狂者進取狷者有所不爲是猶可以
入于君子之塗而鄙夫其未得之也患不得之既得之患失之
脅肩諂笑勞於夏畦吁可哀也甚矣剛之難能也如登高山如
挽強如激水不勉則不至而自貶苟求之道將如走坂如捨矢
如墮求之易也故剛寧過不失爲君子而柔韋汨沒必流爲鄙
夫也蓋嘗讀柳子厚佩韋賦陋其爲人曰非君子之言也士惟
恐不剛耳以側媚伍文求富貴一敗而不復夫豈剛之罪哉使
子厚蚤知所佩則不至此也傳曰美者必很惡者必婉余於交
游之間信然况平日務爲可喜之論人所樂聞惟恐色忤人者
此必臨利害相弃如路人好面折人攻其所短若可憎者此必
與人同休戚誓死而不去浮屠中有參寥子者年六十性剛狷
不能容物又善觸忌諱取憎於世然亦未嘗以一毫自剋也余
始見之於黃今二十年疑白形瘦而志不少變其徒語參寥子
皆必曰是難與處士大夫語參寥子者必曰是難與語然參寥

子之名益高豈非所謂有君子之病者夫使參寥子善俯仰與
世浮沉雖人人譽之余安用哉壬午歲秋八月來自香山見余
上端曰吾將南歸何以贈我且吾前日得奇禍幾死今未知所
措焉子一言余曰子知屠牛坦之刀乎十九年若新發于剗措
刀於何由之地而以嬰不折之鋒也此爲善用明矣子行游天
下批大卻道大歎願侯知者不敗底也不然則善刀而藏之若
又能灰心槁形澹然遺世以從東郭順子之游則余他日察之
必曰此非昔之參寥子也

送解屠屠牛坦中開講序

芸室先生

文殊師利問疾於維摩詰時三十二大士各說不二法門至維
摩默然無言文殊乃嘆曰善哉善哉乃至無有文字語言是其
入不二法門者也蓋道無間問無應應應於此面壁顏子於此
坐忘聖賢則無事矣中智而下何賴焉然載道有經翼經有論
持教有律尚矣釋迦文於鹿野中初成道時不作是思惟則四

十二章經不作也於羅樹間將入涅槃不略說法要則遺教
經不作也由一句一偈乃至百千萬億那由他如恒河沙無數
無量則初未嘗無言也故曰如將復駕其所說則莫若使諸儒
金口而木舌蓋佛之去世遠矣而此娑婆世界剛強難化必欲
破暗昧反聾瞽披蒙塞而示之以圓覺普照則其言可已乎履
公始自壯歲尊師問道諦聽經論寒暑不渝又雅學歌詩趣尚
不凡業成矣諸老印可許升法席惠然來訪願丐一言而右往
予告之曰昔唐柳子厚謂世之游民學文章不能秀發者則假
浮屠以爲高學浮屠而不能原慈則託文章以爲放今子橫經
正坐敷演妙義既非苟高以欺愚學道餘力一吟一詠又非託
放以傲物而子獨何取焉噫子柳子之言如射之鵠如鑿之膏
有妙於切中有味其言也雖書諸紳銘諸左右佩諸韋弦識諸
槃盂皆可也取以贈言庶幾其無悔耶行矣亦重已已紹興十
九年中元日眉山楊某亭

新刊 國朝三朝名賢文粹卷第一百七十二